

8. Branch tawm penna Bialte : Jiribam & B. Phainuam (3 gel)
9. Member tam penna Bial : D. Phailian Bial (member 417)
10. Member tawm penna Bial : Jiribam Bial (member 34)
11. Biak In hawng ah kicheng tamna pen Bial : New Lamka (7, mun dang ah kicheng 10 um)
12. Biak In ah kicheng um kêilo ah mun dang ah kicheng tamna Bialte: Panglian-9, Leijangphai-6.
13. Activities tangpi: Bial huap ah programme chi chuam chuam – Advent Christmas, Seminar, solfa training etc. Bial KKP puitute'n bial sungah branch te vethakna hi i chiapi thei dial dial uh a bang hi. Chun, Bial khenkhat in Pastor Quarters â dingah bawl i nei thei ua, kipak um a kisa'i.

MANIPUR AREA SECRETARIAL TRAINING

A mun : Thangkai & Lumpau Hall, A/S Office
Resource Person : Upa Lalrinmuana,
Superintendent, Synod Office.
A hun : 4 April, 2018
A pang dingte : Manipur Area Office Staff zosia.
A hun : 5 April, 2018
A pang dingte : Manipur Area Office Staff, Pastorte,
Bial leh Presbytery Secretary-te.

PCI GENERAL ASSEMBLY

A hun : 3-6 May, 2018
A mun : Fiangpui Presbyterian Church,
Haflong Biateran Synod.

MANIPUR AREA PASTORS' RETREAT

A hun : May 14- 16, 2018
A mun : Thangkai & Lungpau Hall, A/S Office
Thugentu : Rev. Vanlalzuata, Mizoram

Manipur Area Pro. Pastor-te examna tukum 2018 apat Manipur Area Office-ah nei ding a hi ta'i.



A LAI AH JESU

Khraws ah Jesu khetden a hi khan Chanchinpha Bu li te'n tualthat mi pani tawh khetden a hi dan uh a zik vek ua. Maleh, Johan ziak hin Chanchinpha dangte lo gual takin “**A lai ah Jesu**” (Johan 19:18) ti hi a taklang khel khel hi.

A veilam a khetden a um pa khan Jesu chu hukdam theitu ahi ti hiachian ma ma pumin a vak eng ho ah (Luka 23:39). A changlamah khetden ah um pa'n vang “*Jesu la gam la tun tun tak leh ei hezing in aw*” (Luka 23:42) tiin “**A lai ah Jesu**” zalah chun apet pet in Khraws lekah ngaidamna a chang ngal ta a hi. **A lai ah Jesu** kikhenden hin a thilhithei zia leh apawimaw zia gingtute hin ngaitua thak hitiu.

I nisîn hinkhua ah i khawsaknateu- nek leh chak hawlina, sumkawlvaina leh i kalsuannau zosia hin Lal Jesu'n mun lailung pen a chang zo zing nam? I dawilona mun asik lamin nâwk tâwl tâwl kha'i tiu.

I gam leh nam in Chamna, Damna leh Muanna a nei theina ding in Gam leh Nam etkawlina kawng ahin **a lai ah Jesu** kawi zing hitiu.

I Pathian thu pawm dan uh hin **a lai ah Jesu'n** mun pawimaw chang zing hen.

Kochuam sung leh a nasepna ah hin Lal Jesu'n a lailung a chang zel nai maw? A na semtu zosia'n i sepnau ah **a lai ah Jesu** i kawi lo uh chun Jesu sangin eimau langsal zaw talaw ding i hiu. Kochuam vaihawmna ahin **a lai ah Jesu** a um a pawimaw hi. A chutilo chun kipumkhatna a um thei pua'i.

I nisîn hinkhua ah **a lai ah Jesu** pansak zing thei dingin Hinna Vak simtute zosia Lalpa'n ei malzawl chiat ta hen !



MPCS MANIPUR AREA

*Rev. C. Zorammmawia
Administrative Secretary*

1. Sum dinmun

Thilpiak lamin Kochuamte'n ma i sawn zel u'i. Pathian Gam thilpiak bikin Financial Year (April 2017-March 2018) beii ma'n i Budget uh ₹ 61,78,349 (Budget zat : ₹ 2,52,00,000) in i khel ta'u a, lungdam a um tak zet hi. Lalpa lopina chang ta hen ! April 2017-February 2018 sung ah Pathian Gam thilpiak i piak dan uh chu ziagual hi a hi:

a) **April 2017 - February 2018:**

Pathian gam	1,74,96,345
Anchangham	27,32,748
Gamthak	96,88,509
Semtu Chawpna	11,46,206
Sakramen	1,62,434
Sunday School	1,03,685
Kichenna	8,240
Damdawiin	40,182
Total	3,13,78,349

a) **Pastor Bial chuam chuam Pathian Gam sunlut dan: (April 2017– February 2018)**

Sl.no Bial	Feb., 2018	Apr. '17–Feb.'18	Thelut zat
1. D. Phailian	4,45,487	46,82,012	11
2. Mata	1,89,080	16,67,167	11
3. New Lamka	3,83,496	38,11,833	11
4. Panglian	58,411	4,48,886	11
5. Lamka	4,34,687	49,08,312	11
6. Kangvai	1,94,150	20,66,790	11
7. S. Kawtlian	1,15,231	14,93,895	11
8. Sugnu	1,76,464	24,22,615	11
9. Dumlian	16,314	2,76,915	11
10. Chingmei	4,535	55,045	12

KHRISTIAN KHANGLAI PAWL GENERAL CONFERENCE 10 VEINA, 2018 REPORT KHAIKHAWM

*Tv. Lalbiaklian,
General Secretary, CKKP*

Khristain Khanglai Pawl, General Conference 10 Veina Kangvai Bial zintunna'n Kangvai kochuam ah taksa leh thagua ah lawkna tam tak thaw mat zaw a hi ta, Lalpa chu pakim um ta hen. Manipur Area ah Khanglaite dinmun report khaikhawmna chu zia gual hi a hi. I Area sung ua hin Pastor Bial 20 i um ua, Mission Field Bial 4 te panglo in, ziate lakah chun Bial 19 apat in Report a kidawng thei a, Phailianbung Bial apat in vang report dawn a hi pua'i. I dinmun uh zia report-te apat chun ziagual a hi:

1. Bial zat : 19
2. **Branch um zat : 91**
 - a. Ningkum ah : 86 (Source: Report masa; Bial report ah 89)
Punna : 5
 - b. Branch thak hung ki-report zat : 5 (Tuinuphai, Neihsial Veng, Delhi, Canal Veng, Kangvai Bial)
3. Khanglai member zat:
 - a. Numei : 1,590
 - b. Pawsal : 2,160
 - c. Gawpkhawm : 3,750**
 - d. Ningkum ah : 4,086 (Source: Report masa; Bial Report: 3713)
Kiamna : 336
4. Zi/Pawsal nei zat
 - a. Biak In ah : 27 (against 32 last year)
 - b. Mun dang ah : 82 (59 last year)
5. Mithi zat : 11 (Leijangphai Bial ah 3, New Lamka ah 2)
6. Bible zillai zat : 26 (New Lamka ah 5, D. Phailian ah 4)
7. Branch tam penna Bialte : Mata, Kangvai & Leijangphai (7 chiat)

C. Zoramawia chungin kipak thu i gen hi.

5) Dt. 3.12.17 ah khan Zou Synod Khawmpi, Zomi Colony ah lapawl sa dingah chial a hi dungzui un, Manipur Area Choir te'n Pathian pakna lapawl kilawm takin a va sa thei u'i.

6) Synod Khawmpi 2017, Bungkawn ah lapawl sa dingah Manipur Area Choir chu dawisak takah guat a hi dungzui in, 9.12.17 nitak kikhawp ah khan Committee in a la têt "Hing zing Pathian" ti Lâ chu kilawm takin a sa thei ua, kipak a um ma ma hi.

7) Dt. 17.12.17 ah khan PCI Gospel Campaign programme, Kwakeithel ah lapawl sa dingin Manipur Area Choir te chu dawisak takah guat a hiu a, Pathian chawihawina lâ 2 pha takin a va sa thei u'i.

8) Dt.11.2.2018 (Pathianni) ah khan zingkal kikhawp ah Lapawl sa dingah Manipur

Presbyterian Church Synod puitute dawisakna changin chial a hiu a, zingkal Ordination Kikhawp ah lapawl a va sa thei ua, kipak um takin sunnung kikhawp (Sakrament) ah le sa kit dingah chial thak a hi dungzui un, Sakrament kikhawp ah le lapawl hawi tak a sa the'i ua, kipak um a kisa'i.

9) Dt. 4.3.2018 ah CKNP Vaihawm Kikhawp, Leilon ah Lapawl pani sa dingah programme ah guat a hi dungzui un, kilawm takin a va sa thei u'i.

10) February 22, 2018 nitak ah kipat khan nitak sin ah Lapawl zilna hun mat a hi sek a, Kikhawp zan te ah chun mani Biak In chiat ah kikhawm ding leh kikhawp pel phat bep leh Lapawl zil a hi sek hi. Ziana ding ahin Hill-town Kochuam te'n Centenary Hall leh Sound System te a pawimaw dungzui ah mat thei dingah ei la phalpiak ziaq un kipak um a kisa ma ma hi.

11. Munpi	51,840	4,95,456	12
12. D. Khawzim	14,962	2,30,097	11
13. Leijangphai	30,523	3,43,939	18
14. Kawlhen	18,546	2,61,363	11
15. Phailianbung	21,900	2,34,780	10
16. Phaipheng	18,242	2,77,439	11
17. Imphal	4,23,780	58,54,945	11
18. Leilon	40,170	6,72,911	11
19. Sharonphai	33,605	5,34,056	11
20. B. Phainuam	10,100	1,26,825	10
21. Jiribam	11,765	1,19,853	11
22. Kalaymyo	3,300	34,760	11
23. Nanphalong	5,500	58,620	11
24. Tungkyaw	18,100	1,56,600	11
25. Delhi	1,31,235	1,31,235	02
26. CKNP	-	12,000	
Total	28,51,423	3,13,78,349	

2. Manipur Area Committee:

Manipur Area Committee chu February 19, 2018 nin Synod Office, Aizawl mun ah nei a hi. Thupukna khenkhatte:

- **RMHS Managing Board (2018-2019):** Rostad Memorial High School Managing Board dingin ziate hi guat a hiu:
Chairman : Rev. C. Zoramawia, A/S
Secretary : Dr. Soilalsiam, Principal

Committee memberte:

1. Upa Jamkhokam, New Lamka
2. Upa S. Tinklal, Jubilee
3. Upa Genmuanlal, Mata
4. Pi S. Lemnu, i/c Vice Principal
5. Rev. Kamkhotinthang Neihshial, Co-ordinator
6. Rev. Jerry Zoliansanga, i/c Lamka Pastor Bial

7. Pu Nenglalthamuan, Staff thasang
8. Rev. Malakia Lalnufela, i/c Mata Pastor Bial

• **CKKP Leader & General Secretary guatna (2018-2020):** Central Khristian Khanglai Pawl Leader leh General Secretary dingin ziate hi guat a hiu:

Leader : Rev. C. Lalmangaiha, ic/ Sugnu Pastor Bial

General Secretary : Tv. Kambenjohn, Mata Pastor Bial

3. Khristian Khanglai Pawl

• Manipur Area sungah Bial Khristian Khanglai Pawl Conference chu January 26-28,2018 Bialtin in lawk tak leh lim takin amang zo thei u'i.

• Khristian Khanglai Pawl General Conference 10-veina chu "*Khawitak ah um la hem?*" (Thilsiam thu 3:9) ti thupi mangin 9-11 March 2018 sungin Kangvai Kochuam Biakin (Kangvai Pastor Bial) ah lawk tak leh lim takin mat zaw a hi.

4. Kochum Numei Pawl

• Manipur Area sungah Bialtin Kochuam Numei Kikhawmpi chu 9-11 February, 2018 in malzawlina tam tak tawh mat zaw a hi tai.

• Kochuam Numei Vaihawm Kikhawp 6-veina chu Leilon Pastor Bial sungah L. Munlui Kochuam Biakin ah 2-4 March, 2018 sungin "*Hung un Lalpa lam ah kile kit hitiu*" (Hosea 6:1) ti thupi mangin nei zaw a hi.

5. Lay Workers' Retreat

Manipur Area sungah Office Staff, Evangelsit-te leh Evan. Teacher-te ding bikah kiguanggal Lay Workers' Retreat chu 6-8 March, 2018 sungin Thangkai & Lungpau Hall ah "*Kipiakna*" (Marka 10:45) thupi mangcha'n mat zaw a hi. Retreat Speaker chu RMHS Principal lui, Upa K. Vanlalauva, Melriat, Aizawl a hi. Retreat na pang zat : 22 (Office staff- 12; Evangelists-10).

MANIPUR AREA CHOIR NASEPNA TANGPI

Tv. Lalbiaklian,

General Secretary, CKKP(2016-18)

I biak Pathian panpi nazalin Manipur Area Choir 2016-2018 Term sung ah Member te'n gunchu tak ah Pathian Na a sep nau report chawmkim pe thei ding ah i um ziakun lalpa chu pakin um ta hen. Term Lui ah Member te Lapa'n a le tam takin malzawl hen lah, Term thak ah memberte Lalpa'n a khut thahatin pui zel ta hen. Zia anuai ahin report bangkhaite ka hun tak lang hi.

1) August 18, 2017 (Simhaini) nitak ah khan Transform Manipur Summit 2020, New Lamka PCI Reformed Biak In ah La sa dingah guat a hi dungzui in, Manipur Area Choir chun lapawl hawitak a va lem u'i.

2) August 19, 2017 (Kiginni) ah khan Lamka South Presbytery KKP Meet ah La pawl sa dingah guat a hi dungzui un, lapawl a va sa thei u'i. Manipur Area Choir â ding bîk ah programme te guanggal in, thilpiak te le lakkhawm a hia, Lamka South Presbytery KKP Meet puitute chungin kipak um a kisa takzet hi.

3) Administrative Secretary, Rev. C. Zoramawia thugenna ah, Nghathal Kohhran-ah 1(0.09.2017) leh Lamka Chhim Kohhran-ah lapawl a va sa thei ua, kipak a um hi.

4) CKKP Emergency Committee, dt.23.10.17 No.4 dungzui in Area Choir Retreat, 30.10.2017-1.11.2017 sungin Gilead Tlang, Kawnpui ah nei a hi. Ziana ding ahin Administrative Secretary in Revival Speaker, Pu Kamzathang ei hun sawlpiak a, chuleh, Camping kithuapina in Rs.10,000/ le a hung pia, kipak um a kisa ma ma a, Administrative Secretary, Rev.

8. Numei Ni (October 27, 2017)
 Kochuam ah mangthei : Bial 7
 Bial ah mangthei : Bial 10
 Mangtheilo : 3
9. Anngawl pauchapna (May 13, 2017)
 Kochuam ah mangthei : Bial 12
 Bial ah mangthei : Bial 8
10. Sum hawl dân tangpi : Talent sukpong, thaphût, etc.

Sd/-
 (NGAINEIKIM)
 General Secretary

CENTRAL KRISTIAN KHANGLAI PAWL (CKKP)
PUITU THAK TE (2018-2020)

- Leader : Rev. C. Lalngaihawma, (Area Committee guat)
 Asst. Leader : Pu Albert Ginlun, Lamka Pastor Bial
 General Secretary : Tv. Kambenjohn, Mata Pastor Bial
 (Area Committee guat)
 Assistant Secretary : Tv. Lianlalsiam, Imphal Pastor Bial
 Treasurer : Nk. Kimboi, D Phailian Pastor Bial
 Finance Secretary : Pu SL. Robert, New Lamka Pastor Bial

COMMITTEE MEMBERS

1. Tv. ST Satboi, D. Phailian Pastor Bial
2. Tual Upa Lalthamuan, S. Kawtlian Pastor Bial
3. Tv. Thangmohan, Imphal Pastor Bial
4. Tv. T.K. Malsawm, D. Phailian Pastor Bial
5. Tv. Lalthamuan, Mata Pastor Bial
6. Pu B. Laljoy, New Lamka Pastor Bial
7. Nk. Vakneiniang, Kangvai Pastor Bial
8. Tual Upa Nekginson, Imphal Pastor Bial
9. Tv. Haulmthang, Lamka Pastor Bial
10. Pu Thangginlun, Imphal Pastor Bial

6. Presbyterianism Seminar

March 13, 2018 ni'n B. Phainuam Pastor Bial huap 'Presbyterianism Seminar' chu B. Phainuam Kochuam Biakin 7. Rev. C. Zoramawia, A/S leh Upa Lalthuoisang i/c Literature ten lawk takin a va nei pi u'i. Zia hun a hin Rev. Lalawmpuia i/c Imphal Pastor Bial inle a va uap thei hi.

1. Rostad Memorial High School Reports

• **Students enrolment:** 12 March 2018 tiangah Student ki admit zat chu ziagual hi a hi. School naupang hi ningkum sang in mi 40 in a tam zaw'i.

Class	N	A	B	I	II	III	IV	V	VI	VII	VIII	IX	X	TT	Staff
Boys	21	16	22	19	18	20	15	23	15	22	14	16	10	231	12
Girls	19	14	22	8	25	12	14	21	19	19	14	23	15	225	11
Total	40	30	44	27	43	32	29	44	34	41	28	39	25	456	23

• **HSLC Examination 2018 :** Tu kum 2018 ah HSLC Board Exam pia Candidates 29 i nei ua. A lawting chiat theina ding uh ngaitua na'n Study Camp le January-February a kha tha khat sung a la kinei pi hi.

• **Evangelistic Week 2018 :** February 26-28, 2018 sungin Evangelistic Week 2018 lawk takin mat zaw a hi. Speakerte chu- (1) Rev. Malakia Lalnunfela, i/c Mata Pastor Bial (2) Pro. Pastor Thangthianlal, Mata Pastor Bial leh (3) Pro. Pastor Siamlaron Neihisial, Lamka Pastor Bial te a hui.

• **Sêmtu Thak :** Sepna dang mu leh thil dang zia in Teacher 5(Five) in 2017 sung in a sepna'u a haisan ua, ziate thasang ding ahin, Teacher 4 (pali) School Managing Board in zia a nuai ah te hi Written test leh Interview bawl-in lak a hi.

Name	Qualification
1. Mr. Pukhram John Singh	M. Sc, M. Th
2. Mr. Henlallian	B Sc (Phy)/Pursuing DEIED
3. Ngaihoihkim	BA (English)/Pursuing DEIED
4. S. Genminthang	BA (Pol)/ TET

GOOD FRIDAY SERMON

“AMA LEH AMA KIHUKDAM THEILO” (Mat 27:42)

Upa K. Vanlalauva,
Melriat, Aizawl

Hepitu Pathian chun a chapa changkhat neisun ei piak thi champha mang kit thei dingin khawvel mite hun pha ei pia, Ama chu pakin um ta hen! Good Friday mangtu zosiate'n i Lalpa'u Jesu chanchin lunggil tak ah ngaitua chungin zia ni hi lim leh kipak takin mat gaw chiat hitiu. A thina chu i hinna'u kipatna a hia, zia chu khawvel mite a dingin hiatthiam ding gual a hi pua'i. Zia i thupi têt a pat hin a hiatthiamlo dan uh a kilang hi.

Musit leh Engbawl na paukam a hi:

I Lalpa'u Jesu khawvel ah a lenlai khan natna tincheng thuak ten a zuan ua, ala sudam sek hi. Phakte a hithiangtho a, mitdukte a hivak piakin chuleh thithabuak vawpte a deldaw piak hi. Ama ginglo ten a haw ma ma'u a, a dawu puau ah, a sawisel nasa ma ma u'i. Ziakiak hin Khraws ah khetden in a um hi. Zia bep chule hiloin i sual tatna ding ah a hinna a lat laikhan le musit takin a engho ua, “Mi dang bawn hukdam ah, ama leh ama kihukdam theilo” tiin a musit takin a nuisan uh hi.

La Lalpa ka Lalpa, la Pathian, ka Pathian khan ziagual lawm ah mualphoin nang leh kei a dingin hukdamna na chu ala sem buting hi. Ama a ding ah i thawkna te'u hi a nep thei na lawm lawm e! Ziakiakchun Khraws lampi i zawt zing lai hi lampi nuam a hi pua'i ti hia'i ti'u. Mani kihapina in mun a chang zo ta, mani hamphatna ding hawl ding i hi hial pua'u hi.

Ama leh ama kihukdam theilo Jesu:

Lal Jesu enghotute hin thudik tak a gen uh hi tiin

KOCHUAM NUMEI PAWL
BIAL CHANCHIN KHAIKHAWM

(Report in a huapsung : January - December 2017)

Manipur Area Pastor Bial 20 apat Bial KNP chanchin report khaikhawmna anuai ah gual hi a hi :

S No. Particulars	2017	2016
1. Report lut zat	20	20
2. Kochuam zat	98	99
3. Inkuan zat	3,025	2,810
4. *Numei member zat (Kum 14 chunglam)	5,168	5,820
*Member tam pen na Bial Mata (545)		Kangvai (667)
*Member tawm pen na Bial Jiribam (42)		Jiribam (45)
5. *Nisin Insung kikhawpna neithez zat	532	537
*Kallak ah neithez zat	2,298	2,184
*Nei theilo himhim zat	62	89
* Nisin Insung kikhawpna neithez tampen Bial pathumna tiang :		
1. Sugnu Pastor Bial	62.25%	
2. D. Phailian Pastor Bial	24.73%	
3. Mata Pastor Bial	22.74%	
6. *Anchangham		
i) Kawithez zat	2,909	2,792
ii) Kawitheilo zat	16	18
iii) A lêng ah Kg. zat	1,54,828	1,39,422
*Anchangham kawu tam pen Bial pathum natiang		
i) Lamka Pastor Bial	17798 Kg	
ii) D. Phailian Pastor Bial	17745 Kg	
iii) New Lamka Pastor Bial	16241 Kg	
7. Semtu chawp neithez Bialte :		
i) D. Phailian Pastor Bial		ii) Imphal Pastor Bial
iii) Kangvai Pastor Bial		iv) S. Kawtlian Pastor Bial

uh hi bang tin ngainep thei ding ihu em? I Bible changtêl a i mu gual in i hukdam nau suangpi chawihawi in lim tak in la sa'i tiu, Hukdamna no la hitin uh Lalpa min lam hitiu. Khrista chun Hukdamna kawt lian tak in ei hawn piak ta'i. Hukdamna kawt hawn ahi zing laiin. Unau Abner gual ah hukdamna kawt bul ah mingawl thi ah thi thei a hi nalai hi. Setan in lungthim ah na a sem zing hi.

Unau kingaitua in, Pathian in Israelte chu kihukhinna khawpi pathum (3) amasan a siam piak ah zia lak ah chun Hebron khawpi le a hi. Chanpal ah tual thatte le zia khawpi ah a tai lut man a hi chun hukhin a hi sek u'i. Thil hikhialte le kihumbitna khawpi sung ah chun bit takin a um sek u'i. Himaleh Abner chu Joab in a thêh ah bitna khawpi pawlam ah apui dawh ah kawt khak bul ah chun a that ta. Zia chu David in a hiat phat in na asa ma ma ziang ah asûn ta, *"Mingawl thi ah maw Abner la thi mai? la khutte chu kân a hipua'n, la kengte chule kawt*

busak a hi pua," ti in David in aka khum a hi. Kihukhinna kawt bul tak ah tha ah a um kha David in a puak nat a hi (2 Samuel 3:27-33). Unau tuni hin nang le Joab in Abner tha ding ah bitna khawpi pawlam ah tha ding ah a thêh ah a pui daw gualin Setan in nang le hukdamna huang apat puidaw guan a hiloleh hukdam huang sung ah lut lo ding in pan a la zing hi. La dawitelna chu Setan lam ah ahem la mat di ahiloleh Khrista kona a hem la sâh di? Tuhi dawitelna la siam fel hun a hi. Thutak hiatna i nei nung un thil bawl khial tei tei leu hin ei uh a ding in gitlo thawina um kit ta puan ah. Mosi Dan bawtsiate kha bawn hepina bei ah suang ah selup a hi sek ua leh, Pathian chapa kisukthianna thuthung thisan bangma lo mai ah ngaite hepina thagau sunuakte chu Pathian lungnat na dawng ngei i nau (Hebrai 10:26-29). Hukdamna lûl zia hia ah hukdamna huang sung ah limtak ah um zing thei dingin Lalpa'n a thu a sim tute zosia ading in malzawl ta hen.

ngaitua sin le hin. Hi e, zia hun lai khan Ama a kihukdam theilona zia pakhat bep a um hi. Zia chu gitlona huaisia tak a puak zia a hi. Khawvel gitlona huaisia tak mai a puaklai tak a hi zia kin a Pathian thianthona khan a nutsia hileh a kilawm ten hi. Zia gual chu hilo leh, "I gitlona a puai" i ti hin thu bep, a tak ah umlo hi ding a hi. Mipi sual pawmangtu kêlchal gual khan Khraws lek ah khan gitlo huaisia tincheng chu Khraws ah phummang ah a um theina dingin Pathianin a chung ah a nga ngalin. Zia zia kin a pa Pathian inle a taisan a, a kiko dawh hial a hi kha.

Nang leh kei hin mi dangte gitlona apat a thianthona ding leh mi dang damna dingin, pate taisan ding khawp hial ah puakgik i puak masia'n zia thugil hi hiathiam zo ngailo ding i hi. Zia zia kin chun, a taksa'n i gitlona zosia'u Khraws a khan a pua, thanin ei vui mang piak ta a hi. I gin

ziang ding uh hilo ding a hi em? Ama tawh vuikhawm ah i um nau chu a hi. I Lalpau khan zia hun lai khan nang leh kei sualna a puak zia kin ama leh ama kihukdam theilo chu a hi mai hi. A mihing hina zia mun a hin a kichian hilo a hem?

Zia a taksa i gitlona'u a puak chu a taksa ah pat a thisan hung pawt khan Pa Pathian lungthim ah i gitlona'u ei sawpthian piak ta, Pathian thilhitheina'n a hung thuam kit hi. A laicha zaw zawin lân a hung ling a, suangpite hung kekin, thân a hung kihawng a, Pathian Biakin paunzak – kumkhat a khatvei bep thisan chawi a Thiampu Lalpen lut theina kha le a hung kithêk suak ta a hi. Zia thilhitheina hi thilhitheilo gitlona pua i taksa'u silthianna a um gual a khan nang le kei ah buakna tincheng chu Pathian thilhitheina'n, kumtuang hinna chu ei chansak a, zia chu a taksa thawkitna khan

ei zawpiak ta hilo a hem? A lopina lawm lawm e! Lalpa chu pakin um ta hen. Gen dan chuam in gen le hin, zia hun lai a khan Ama leh ama kihukdam thei ziang maleh nang le kei gitlona ziakin ama veng dingin Vansawlchak sangguk mun sawm leh mun ni hun sawl dingin a pa Pathian kiangin a dawn thei zing hi. Maleh, dawn ziang taleh Pathian hukdamna bukim chu sepdawin hung um thei puana tiin ama ma in a gen zui ngal hi. Haksa tak ah thi tiang a thuak mualsuain a pang tun tun ah, zia chu ei uh a dingin damna a hung hi ta a hi.

Thuaktu umloin damna a um thei paw ngal a, zia chu khialna zia ah tuni tiang a gingtute'n i thawk uh chu a hi. Musit, enghona leh gentheina tawpkhawk a thawk mualsua ziakin hukdamna lopi i chang tau a hi. A thina hi ei uh a dingin damna leh kipakna a hung hi mai tak hih! Venpi kitiam ten le a venpi theilo khawp hial

ah lungngaina thûk hukdamna lopi hi mihing mihinna hin bangtik inle suisuak ngai puan a. Thagau ginna a gingtute'n a hinna'u in a hiachianbep sek u'i. Zia gual ah hiatchianna hin a kimkhat le a hiachian zo diak pua'i. Zia gual ah hepina thuk hi kuama'n hiachian tenah kingailo hi pha pen lo ding a hem?

Khaile, zia Good Friday lopi tak hi hukdamtu'n ei uh a ding ah thawkna hi gun tak ah ngaitua zing kawmin ama tawh kipawl hi ti'u. Gen ah genthiam thaw mai sangin a takin i hinna'u a hin hinpi le hin. Zia chun Khrista ah hinna thagau chun سوالنا leh thina dan a patin ei sawp thiang kit in ah. Lalpa Zânan Sacrament i chan uh hi ei uh a ding ah a thawkna leh a kipumpiakna i hiat zelna ding uh a hi ngal ah.

Good Friday mangtu zosia Lalpa'n malzawl ta hen.

khawvel buakna gitlona zosia ama ah hung kibel di chu bang gual bep ah ten um leh haksa a hi ta diam? I khut i keng khau in ei ki kan hen la tawi theilo dingin zia chun mihing in a kidak pen ekthan ah dim lak in ei kidia henla hileh bang gual bep ah haksa leh kidak um a hi diam? Pathian, buak tawh umkhawm theilo chu khawvel buakna gitlona zosia ama ah hung kibek ding chu banggual bep ah haksa ahi diam? Ziaziakchun Jesu'n Apa kiang in a hi thei leh zia no hin ei pêl leh ti'n a vel vel in a pauchap a hi kha.

Unau Jesu zalah la chan lûl zia langai tua sek em? Bangkim hithei natna tincheng sudam theitu leh mithi le kaithopa chu unau nang leh kei gitlona chun a kan tak zia in bangma bawl theilo in dang chak leh thavai tak in Khraws chung ah khan thavai tak in a kiko a hi. Lalpa Jesu thawkna hi khawvel thawknate taw tekak thei ding aum lo a hi. Ziaziakchun Paul in amu chian ah "Krista'n kei â dingah a thawk Khraws longal

chu ka suanlo ding zia mai chu" (Galatia 6:14) ati. Khrista thawkna Khraws chu khawvel ah a suan pen ahung hi ta'i. Unau tuni'n nang bang a hem la suan pen bang a hem go lul pen ah la nei? Paul in vang kei â ding ah lawkna ding taphawt chu Khrista zia in channa'n ka guat ta a hi a ti (Philippi 3:7). Nang in Khrista zia a bang chân (nutsia) la nei in, bang tiang la chân ngam em? Khrista'n ahileh vang a van lalna leh thuneina leh a lopina zosia nang zia in a hung nusia a hi. Tuni hin Jesu'n la kiang in zia gual hin a gen a hi bang gual in la dawnhu diam? Ka pa In lopitak Uizo zâm kimvelna nusian, lei munthim a hin genthei thuak in kavai kum tam tak thavai in genthei ka thuak hi kumtuang nawpna la chanthei na ding in. Nang zia in, bangkim kathuak hi, nangon bang la thuak em? La hinna ei hun pian la kei a ding in kimang in, khawvel thil nusian la gentheina huam in, Jesun ei chialna hi banggual in la dawnhu diam? Zia gual lawm ah hukdamna lopi i chan

tung ta. Tichun, Mari'n Lalpa suak nu ka hi la thu gual gual in kachung in tung ta hen (Luka 1:38) a hung ti thei phat in khawvel lam ah numei suan Jesu hung pian na ding chu siam zaw ahung hi ta'i. Lalpa chu lopi ta hen! Lei lamah Jesu hung pianna ding ah siamfel a hi zing laiin, Hukdamna lul zia i hiat chian zawk diak theina dingun van lam thu vak ngaitua kit hitiu.

Thupuan bung 5 ah Johan in van lam thil a mu lekhabu zial teptena 7 ah kitepte chu a mu, zia tham ding chu a hung kihawl tau ah zia phat ah chun zia teptena tham ah zia lekhabu chu sim thei ding van leh leinuai lam tiang in le kua ma a um ta pua, lei leh van chu athip ziang ta. Zia phat ah chun Johan chu haka in akap ziang ta. Himaleh zia laitak ah chun Juda nam ah mi Sakeibaknei David phung ah Lalpa Jesu chu zia teptena tham dingun ahung kipe ta'i. Lalpa chu lopi taken!

Lalpa Jesu'n nang leh kei â ding ah a hung kipiakna a

thawk nate hi la ngaitua sek em? La haksat ni, genthei lakisak ni leh thuakgim la kisak ni'n Lalpa Jesu hung kipiak nate a thawknate hi ngaitua sek in. Thagau Thiangtho zâlin kipakna mu sek in la. Lalpa Jesu khawvel ah a hung na ding mai mai hile a thawkna Bethlehem bawngin leh thing khraws gen nai loin le zia khawvel ah a hung na mai hile thil bailam a hi pua'i. Khawvel ah gam hausa leh chang kang pen USA President chapa hin la, India gam ah Kolkata khawpi vel ah khutdaw bâl ding buk neucha ziang le nei lote cha cha ah hung piang ding hitale chin thil nuam a hi diam? Lalpa Jesu hung kipiakna hi zia chu tawh tekak thei a hi pua'i. Hukdampa lûlna i hiatchian diak theina dingah i tekhin zawk a hi. Ziaziak ah chun Lalpa Jesu hung kipiak na hi alul in aman tam a hi. Mihing ah le mipangai sang ah dinmun niam zaw, suak gual ah hung ki hi niam in thi tiang in Khraws lampi chu a hung zui ngat ngat a hi (Philippi 2:7-8). Pathian thiangtho tak chu

AW KHRAWS KEI EI CHAWISANGTU

Rev. H. Paukhawkai, Shillong

Hinna Vâk Editor in, i chanchin bu dawim tak mai "HINNA VÂK" ah Good Friday sermon zik dingin ei hun chial ah, Hinna vak ah article zik ding ah chialna ka dawn masakna pen ahia, kipak um ka sa ma ma hi. Kipak ma ma hina chungin, ei chialtu duthusam gual tung zolo ding ka hi ti hi ka ngai tua na'n a lian ma ma ah, pauchap zing kawmin, gingtute ei chawisangtu chu Khraws a hi dan hi thupi in ka hun mang hi.

"Khraws thu chu mangthaite a ding in ngawl na ahia, eihaw Hukdam zingte a ding in; Pathian thilhitheina kilatna a hi." (I Kor. 1: 18) a tia. Khraws thu hi manghaite a ding ah chun a hiat ah hiatchian thei le a hi pua, Jesu'n khawvel ah migilote, mangthaite, setan khut nuai ah pat a tatdawna ding ah khraws a mat ziang dan hi, amau a ding ah chun taksanthei le ahi pua ngawl na himai a hi. Himaleh, eimau a ding ah chun van go i luanau, gawtmun ah pat kumtuang hinna i channau chu a hi. Khraws teptena (sign) mai hile ginglotute'n le teptena chuam chuam ah teptena tam tak in a mang ui. Ei gingtute hin chu teptena mai hi lo in, Pathian

thil hitheina i mu'nau leh kumtuang hinna i channau lopi tak mai chu a hi. Lalpa Jesu, Pathian chapa lei ah mihing ah hung piang, a tha'na ding ah Khraws a la mat khel khel nau hile, Pathian lemkuatna lopi tak kilatna chu ahi ngei hi ti a kichian hi.

Khraws chu Khawvel Zawna a hi:

Khawvel miten teptena zat chuam chuamin mang ma leu; Pathian in chu gal zawna thupi tak khawvel zawna matchak lopi takin a hun mang hi. Khraws chu i Lalpa Jesu'n i gitlonateu zosia apuakna ahia, Setan thilhitheina zosia a zawna ahia, mihing bangma

hi lote, taksa ziang ah le ei chawisangtu, thagau lam ah kumtuang hinna i channau lopi tak chu a hi. (I Pet. 2: 24,25) Paul inle, *“Ka Lalpa Jesu Khraws lo chu ka suan lo ding zia mai chu; ziaziaka chun khawvel a ding khetden in ka um ta’n, khawvel le kei a ding in khetden in a um tai,”* ala ti hial a hi. (Gal. 6:14) Khawvel ah hin suan ding tam tak a um ah, sum leh pai, hausakna leh hina lopi tak tak kisanpi tam tak nei ah kisanpi le um in au. Himaleh Paul chun, a thiamna leh khawvel lam thil ah lopinate a suang pua, *“Suang nuam leng kenle suan ding tam tak ka nei hi; himaleh ka hatlonate lo ngal chu bangma suang pua’ng ka,”* a la ti a hi. Zia bep chu hilo in, a taksa ziang ah le Jesu teptena a put dan a gen a, *“Tu khêl vang kuama’n ei sulungzing ta kiu hen, ka taksa a hin Jesu teptena ka pu ta’i,”* a ti a hi.

Khraws chu Jesu Lal hina Puanna a hi:

Khraws chu Lalpa Jesu’n musitna zosia leh sawisakna tawp khawk a thawkna, chilsiat

khum ah elhona zosia pua kawm ah thina tiang a tuakna a hi. Himaleh, khawvel miten, *“LAL A HI”* ti a puannau a hi. Kama puandaw bep hi lo in, Khraws lek ah lekha’n a tak ua, zia chu pau chi khat bep le hi lo in, Hebrai paute, Grik paute, Latin paute ah kizik ah kitak ahi ti Bible in i mu’u hi (Joh. 19:20). Bible thiamte suina vang ah chun, Mathai in Hebrai pau ah kitak ahi tiin a sût a, Marka in Latin pau ah kitak ahi a ti’n a sût ah, Luka in Grik pau leh Aramaik pau ah kitak ahi ti’n a sût ah, Johan vang hin pau chi thum Hebrai pau, Grik pau, leh Latin pau ah kitak ahi ti’n a sût hi. A hektu ten, a hekna thuu *“Lal ka hi a kiti’i”* ti in tak leu ti a dawih kha, Pathian in khawvel lal Pilat mang in, Jesu chu Lal a hi ngei hi ti puan daw na’n a mang mai hi ti a kichian ma ma hi.

Khraws Lampi chu Lugu mun Zawtna a hi:

“Jerusalem kul paw lam ah chun aw, Zawlnei thi dan ahi puai a tiu; Maleh entia Kalvari lampi sawn mipi lak

Judan a monu Tamar chu heloin a luppi ta. Tchun Tamar chun nau a hun vawp ta, nau kiphik, Peraz leh Zerah a hun nei ta’i. Tichun Juda suan chu Peraz ah hung chia ahi zia in Hukdamna thuthung chu khang 10 ving veng a hung tang kit ta. Juda suante chun a dinmun a lua thei lo in khang sawm sung a hung um ta’u. Aziak chu Deuteronomy 23:2 ah Pathian in zia gual Dan hi ala piak tak zia in, *“Zaucha chu Lalpa mite kikhawpna a pan theilo ding uh a hi amau chu khang sawm (10) tiang ah Lalpa mite lakah pan sak lo ding a hui.”* Tichun Juda lakah laltiang mang puan ah ti himaleh khang sawm (10) sung ngak a hung ngai ta’i. Zia hi hukdamna thuthung ah Setan panlak a hi ti lothei a hi pua’i. Tichun nam têlte chu Lal nei thei loin vaihawm te’n vai a hung hawm to ua Israelte chu lal dawih ah Jawlnei Samuel hun ah khan Pathian kiang ah adawt zia kua khan Pathian in Saul kha lal chi hilo maleh a lal dingun a tun piak a hi.

Pathian Thuthung dung zui ah Saul chu lal chi a hi pua’i. Thuthung dungzui ah lal chu David a pat a hi. Khang sawm (10) a hung tin phatin Pathian in David chu lal dingun thau a hun nu ta. Zia chun Hukdamna thu thung a hung chia thei kit pan bep a hi. Abraham apat David tiang suan sawm leh li (14) a hia, David apat Babylon lam ah sal ah pui ah a um tiang uh kha suan 14 ma ahi kit ah. Chun, Babylon lam ah sal ah pui ahi ua pat Messiah tiang suan suan 14 ma a hi kit hi (Mathai 1:17). Chuti a hileh Abraham apat Noah tiang suan 10 a hia, Noah pat Adam tiang suan 10 ma a hi. Pathian in Numei suan in gul luchang vawthidup in ah ti thutep a nei apat khang 62 ving veng a hung chia to ah. Zia gual ah khang tamtak leh kum tamtak a hung kivei na zia hi Setan in Hukdamna thuthung hi suktan a gua, mihing lungthim ah nasatak ah na asepi zia kua hi. Ziagualah chun Setan in dâl maleh, Pathian thutep chu guitung lo ah um ngailo a hi zia in, a hunbi chu a hung

patin a ko dawk ta'i. Tichun, Abraham in Isak a hing ah, Isak in Jakob leh Esau a hing hi. Pathianin Jakob apatin nam khat Israel nam chu a hung tung dawk ah. Zia nam sung apat chun phung khat a hun têt kit ah. Zia chu Juda phung a hia. Lalpa Jesu hung pianna phung ding chu a hung hi ta'i. Genesis 49:10 na chun Laltiang chu Juda lak ah mang puan tin a vaihawmna Laltiang chu a kengkâl apat bei diak puan ah a ti i mu.

Zia chu ahileh Juda chisuante chu lal chi a hi tina ahi. Jesu chu Juda suan ah hung piang ding a hi tina a hi. Zia chu a hi zing laiin Juda chanchin vak en hitiu. Genesis 38 ah hin Setan pan lakna a kimu thei hi. Juda chun chapa pathum (3) a nei ah, a lian pen chu Era a hi. A nina chu Onan a hia, a thumna chu Selah a hi. Juda chun a chapa Er chu ji a nei sak ah, a ji chu Tamar a hi. Er chu migilo ta ka hi ziakin cha nei man loin a thi ta'i. Ziaphat ah chun Juda'n Onan kiangah chun, la u a ding chi

la suan piak ding a hi a ti ta. Onan lungthim a chun Setan in na asem ah engsiat na a nei ta ah. A u zi chu luppi maleh a chi chu lei tualin a kiak a kiak thak sak sek ah. A chi suan chu a ma ding a hi lo ziakin (Genesis 38:9. Zia chu Lalpa mitmu ah huat um tak a hi ziakin Onan chule a thi kit ta'i. Zia phat ah chun Judan a chapa neu pen Shelah chu le a ute gual in thi kit khan ah ti a lau ziakin, a monu kiangin ka chapa hi a pitin masangsia la pa in lamah meithai in a la um tadi in a ti ta'i.

Hukdampa hung pian ding hi Setan in nasa takin a dâl hi ti i muthei u'i. Himaleh Pathian thutep chu ading zing ah. Pathian in Setan ginchak lo lam takin Juda monu Tamar a mang ah. Atalpu pa Juda chu Belâm mul met ding ah Timnah khua lam ah hung ding a hi ti a hiat sak ta. Zia phat ah chun Tamar chun a meithai puan chu a liptha Timnah khua lampi Enaim khua lutna lampam ah chun nawchizuak gual in a la chu ta. Zia chun

in ka Lalpa ka mu'i." ti in la phuaktu Patea chun a la phuak ah. Lalpa Jesu'n a thi'na ding Khraws chu kiput ah, a la chiana lampi hi lugu mun zawtna lampi chu a hi. Judate vangin a la tizat pen uh chu lugumun chu a hi. Jerusalem ah cheng ten le nauawila sa'n nau a awi phat ua leh, lugu mun lam chu a ngat khak ua chun, kin tak in a kihei mang sek u'i a ti'u hi. Mi gilo huaisia tawpte tha'na, lugu mun zawtna lamto, Lalpa Jesu'n thisan tam tak luang ah sawisakna a la tuak, a huaisia ta luai ti um lo, gilkiâl dangchak thuak kawm ah, a thi'na ding Khraws kiput ah lugumun lamto chu ala zawta, khraws a puak zaw tak lo kei nung inle, a nawp a da kibang in, Kurini khua ah mi Simon chu a man ua, khraws chu a putsak ua, lugumun lampi chu a la zâwt hi. Khawvel zawna, migilote tatna, musitna, elhona tincheng leh jepna matchak huaisia pête mang ah a sawisaknau huaisia tawp thuak in, Lalpa Jesu'n ei uh a ding in a hung thuak hi. Judate dan ah kizepna huaisia pen ah a siam uh khat

chu, a tukna aga kisiam, savun khauhual pakua ahiloleh sagi kibul, savun khauhual khata chu thik hal hiam tak tak sagi lam kitiang, pakua kitianna le um, ahiloleh savun khauhual mawng ah chu thik hal hiam tak tak kibul, a zep tawh a kai a thuau leh phe leu tha zet zet ziang, 39 vei chu khatvei jepa sim a hi. Paul in le zia gual ah jepna chu nga vei ka tuak hi ti a la gen hi (II Kor.11:24).

Tuni'n Lalpa Jesu Khraws puakpi ding, a dawn zângkhai ding in hinkhua i mang nau em? ti hi kisut hitiu. La phuaktu Rev. George Bennand chun, "*Khraws melsia chu ken vang ka ngai nai, Zia khraws chu ken vang tu zing ing ka; Ni khat leh lallukhuk then na'ng ka.*" a la tia. Zia la hi thupi ka sa ma ma hi. Nisi'n khraws pua Jesu zui ding i hi dan i Bible chun ala gena, La phuaktu khat chun, "*Ken vang ka khraws puan Jesu zui ka.*" a la ti gual in, kenle ka nisi'n khraws put hi gik ka sak ngawi ngawi ni a tam ma ma hi. Himaleh, la phuak tu'n, "*Ni khat leh lallukhuk then na'ng ka,*" a ti

hin ei suhat in ei cho ma ma sek hi. Khraws lallukhuk tawh hun then ding dan chu ka ngaitua sek ah, Lalpa, nangma a ding ah ka sepdaw hi bangma kham le hipuan ah, hiziang leh le, zia ka khraws put hi lallukhuk tawh lei hun then piak ni ding chu aw ngakla um in, a lopi na lawm lawm ding e, ka ti sek hi.

Kilna Thikzum Sui chu Nang a dingin Ana ta lua'i!!

Zawlnei Isai hin, Jesu chu mimal leh namtinte a ding ah hung kipia a hi dan, thunuaigawl taka hung thuak ahi dan leh, a vaihawmna thik tiang vaihawm ding ahi dan, a thik tiang le bawng lo ding ahi dante leh, thaumei kuang liau liau chule mitlo ding, thi maleh thokit ngei ding ahi dante a la gen hi, Jesu chu mu tawm um taka sawisak hiziang maleh; thik tiang ah vai hun hawm ding a hi dan, Isai in a la mulawkna a genna a hi (Isai 42:1-9).

Hebrai ziktu chun, Jesu chu Thiampulian pen, zangaina

lalchutpha ah vaihawmtu, panpi i ngai hun ua panpitu, lungsiatna i mu theina dingua zangaina lalchutpha chu hangsan tak ah nai ding a hi dan a la gen hi (Heb.4:14-16). Zangaina lalchutpha nai thei hun a hi lai hin, hangsan tak in nai hitiu in, Khraws chawisang hitiu. Ni dang ah i la mat sek uh Good Friday Crusade tite i phatchuampi ma ma sek uh kha ahi'a, habawl thak kit ta leu hin nawp um ka sa ma ma sek hi. Tulai in pianthakna thu lam hile i ngaisak lo deu uh a bang ziang ta, zia chu a pawimaw pen a hi ngala, Kochuam puitu ten le zia lam hi habawl thak leu hin nawp a um ma ma hi. Khanglaite lak bep hi lo in, kochuam puitute laka hin le piangthaklo a hi ziak ahi dia aw! A hindan khu ti ah kochuam mipite holimna a tam kit ma ma ta a hi.

Nasepte Bung 9na hin Paul pianthakna thu i mu'u ah, bung 22-26na chan a hin mipi lak ahte, vaihawmte ma ah te, Felik ang ahte, Festa ang ahte, Agrippa ang ahte dingin, a

Setan in Kaina lungthim ah na a sem ah a naupa Abel chu a that ta (Genesis 4:8). Mihing leh Pathian kizawp kitna ding suktan in a um kit ta'i. Abel thi nung in Setan in mihing lungthim ah na semin gitlona a sang zêl hi.

Adam chu kum 130 a hi in chapa pakhat a nei kit ah. Pathian in Abel thasang di chapa ei pia kit t'ai a tia a min ding in Seth a sa ta'i. Zia hun laiah mite chun Lalpa min a hun ko pan tau ti Genesis 4:26 ah i mu. Himaleh Abel gualah Pathian lungtuak mi a um thei diak ta pua'i. Tichun, Seth apat in Adam suan (khang) hung chiato in Adam apat khang sawm (10) tiang ah chun mi zosia chu gitlo na a dim in Pathian lungthim suna ngen ahung hitau ah. Pathian le mihing a siam chu a kisik hial ziang ta. Noah kum 600 a tin kum tha nina ni 17 ni'n mihingte gawt na'n khawvel tui a let sak ta'i (Genesis 7:11). Zia hun laiah chun midik Noahte inkuan mi 8 bep hukdam in a um u'i Pathian

hukdamna thuthung zawptu ding in Noah kha kuang apat a kum thak thak in Pathian kiang in maicham a siam ah. Zia chun Pathian a lung awi ah. Leichung hi hansia law ta puang ka a ti ta'i (Genesis 8:21). Zia gual ah midik suan leh pakte chun Pathian hun hiato in Pathian hukdamna thuthung chu a hung chia zawm thei diam ti a hi laiin Pathian mit tung mi muzawm ding a um kit ta pua'i. Setan in mihing lungthim ah nasa tak ah na asepi zia kin mihingte'n Pathian hiat malak sangin ahung chapo tau ah. Insang vâ supha sa hi tiu in, i min uh than sak hitiu a tiu ah (Genesis 11:4).

Tichun, Noah suante hung chiato in khang sawm (10) veng veng a hung chia kit phatin khang 10na Pathian mit tung midik Abraham a hung kisêk dawk ham ah. Tichun, Pathianin Abraham chu a hung ko ta (Genesis 12). Numei suan hung piandaw theina dingin Abraham chu Pathian in a chi leh nam a insung mite lak ah

HUKDAMNA LÛL ZIA
Sam 95:1; 116:12-13

*-Upa Gouchindou
 New Moreh*

*“Aw hung un la Lalpa chawihawi in lim takin la sai tiu; i hukhinnau suangpi chawihawi in lim takin kiko hitiu.”
 (Sam 95:1)*

“Ka chungah a thil bawl phat zosia ziakin Lalpa kiangah bang a hem ka piak thuk ding? Hukdamna no la’ng ka tin, Lalpa min chu lam ing ka.” (Sam 116:12-13)

Hukdamna lul zia i hiat chian theina dingin Pathian hukdamna thuthung hung chia dan hiat masak a ngai hi. I hukdam nau hi bailam takah hung tung a hi lo dan Pathian thute apatin ngai tua hitiu. Isai 49:6 ah Pathian thun zia gual hin agen hi, “Jakob namte phawtdin kitna ding ah suak a la pan hi thil bailam a hi pua’i. Kawlkil tiang ah mite kiang chan ah ka hukdamna a tun theina dingin” a ti. Genesis bung 3 ah mihing gitlo ah a pukna i mu. Mihing puk ta tundin kitna ding in Pathian in thu tiam a la nei ta. Genesis 3:15 ah Numei suan in gul luchang vaw thidup in ah ti in Setan a lezaw kitna di thu

a la tiam ta. Zia chun Diabol lungthim chu a khawi khawp mai ah. Ziakiakchun Pathian thuthung suktan ding chu Setan thiltup lian pen chu a hung hi ta’i. Adam leh Evi chu a la puk ziang ta maleu a chate ni’u Kaina leh Abelin Pathian lam a hung nga pai ziang ua. Genesis bung 4 ah Abel in Lal Jesu ga masa a hina ding leh demna bei a hi etsakna le hintin a belâm lakah apiang masa pen leh phapen demna bei Pathian kiang in a lan ah. Zia chun Pathian lungthim a sukha ta. Abel thilpiak chu Pathianin a pawm piak ta’i. Pathian in Abel suan apat a hukdamna thuthung chia ding le himai in ah. Himaleh

thiamna thu leh, a pianthakna thu a gen i muu hi. Zia bep chu hilo in, Kaisar ang ah le ding ah gen ding inle a dawn nalai hi. Agrippa ang ah a pianthakna thu a genna hin bung 9na lam ah le kilang lo, “*Kilna thik zum sui chu a na ta lua a hi*” ti hi ahun gena, ama ngei inle kilna thik zum ala sui ah, Khristiante ala sawisak chu na a sa ma ma hi ti a kichian hi. Zia gual chun Juda Isakariot ziang inle kilna thik zum chu ala sui hi ti mu thei a hi.

“Nang in La law law Kilaw ta’n”:

Jesuchun,Jerusalem pindan chungnung ah thawmhau tak mai in anungzuite a vaithak a, hiatzingna ankuang a uppi zaw in, Olive tang lam in a chiau ah, a nungzui ten a phatsan ding thu’u agenpi lai in, Peter chun, “*Mi dang zosia’n hun zamsan leu le ken chu hun zamsan pua’ng ka, nangma ziaka thi ding hi lengle hun kilepsan pua’ng ka*” a tia, himaleh Jesu’n, “*Ak khuan ma’n thumvei ei phatsan ding*

la hi,” a tia. Ak khuan ma’n thumvei a kilepsan hi. A kilepsanna thumveina kampau thumal ngaitua kham ting ma ma ka sak chu, “*Nangle Jesu zuite laka pang la hi*” ati lai ua khan, “*Ka he kha pua’i*” ti kha a kilepsanna kam pau a hi. Himaleh, a kiang ah dingte khan, “*Ama lawi laka mi la hi ngei hi, la paudan in ka hia’u*”, a tiu hi, ginglo mi, a sawisate ziang inle a paudan ziang ah le a hiat thei uh hi Khristiante hindan ding dik tak chu a hi. I kampau dante, i hindan ahte, i tawidan ziang ah le Lalpa Jesu kilat ziang theina hinkhua chu hinkhua daw i um tak hi ngei ding a hi.

Gethsemani huan ah nungzuite a pauchap khawm lai ziang ua le alak ua pang ta lo, Juda Isakariot nungzuite laka treasurer ah le pang hial pa chun, dangka sawmthum law in a hotupa, a Lalpa chu a matsak a. Himaleh, thil hikhial a hi dan a hung kihiadaw a, dangka sawmthum chu chawi in, Thiampute kiang in, “*Mawna nei lo ka matsak*

hi thil ka hikhial tai,” tiin a sum vapia kit hial in ngaidam vadawn maleh, a Lalpa chu thiamlo chansak ah, khraws leka a khaikang uh a hi ta. Tichun, Thiampulalte chun, “Zia chu kei un bang ding ka tiu em? **La law law kilaw ta’n,**” (Math.27:4) a la ti san ua. A gitlo kihiat dawkna hi avaigei ta lua ta, a paisa chule ama’n a kilaw ahia, ama a ahia, a thuneina himaleh, a chawi le a chawi pei ta pua, a law law a kilaw mai ding ah piak daw ahi mai chu, ama a ding inle thil nuam ahi ta lo him him a hi. Tempul sung in a vaseptha, a va kikhailum ta a hi. Thiamputen le a law dan ding hia diak taloin, a than mun ding chaw na’n a mang tau a hi. Tulai inle Pathian nasemte ziang le Pathian pawm tak lo, Pathian in la law law kilaw in ei ti ziang thei ding i law dawkingal tampi um thei ding a hi.

Pilat inle, Jesu hukdaw theina ding tei ngai tuain, a chung chang thu a la tana, a matchak thei zosia mangcha maleh, Judate leh thiampu lalte

leh mipite chun, “*Khraws ah khen den in, Khraws ah khen den in,*” ti ah a ki kokhum in, thudik ah vaihawm thei dingle hi ta lo ah a kihiat tak ziak in, a lawzia le hia thei ta lo in a khut a sawpa, zia thisan ahin ka hul hi, “**Nang un la law lawu kilaw tau in,**” atia, a khetden ding un a la piadawka ta a hi. Himaleh, Judate chun, “Zia thisan kha maw la lau, kei uh leh ka suanteu chung in chu hen,” ti’n a kiko ua, zia kiko thawm ziaka Pathian lungnatna a puak uh hi tu tiang inle, Pathian chu a chung ua lungdam tak tak lo a bang hi. A khawpiu huaisia tak tak in thumvei suksiat in a uma, Babulonte sal in kum sawmsagi atang ua, nam ah le sim kham lo in a chavai ua, 1948 ah independent hun mu kit pan a hiu. Khraws chu melsia tak himaleh, a chawisang lote chu Pathian inle chawisang ngai lo a hi. Ken vang ka Lalpa Khraws chu ka ngainat pen leh ka chawisan pen hizing leh ka nuam hi. Khraws chu ngaina’n chawisang pen chiat zing hitiu.

“Khawvel hi nusia in, Thangvan sângah nga bang lêng di’n; Thuang nusiang ting siatlei thim hi, Immanuel gam siam zuan di’n” ti’n Pu V. S. Liankhawpau in i gam sung Khristiante ei til a, kipak a um hi. *Khua hung vak di ei tai* a ti hi, Jesu hungkitna di hun, in i gel tangpiu ah, ngakla le a um ma ma hi. Damna zingsawl hung suak di chu, ngakla lo kua a um mai zen diam?

Zia la hi Jesu hungkitna ni a ding bep hiloin, i nisin hinkhau ah hin damna zingsawl hi suaksak zawta leu hin, ‘*Lal lopi hung kilatna di, chawm lo kâl hitana*’ i tiu hi, tuni ma ma hin tun sak thei hilo a hem? ‘*Kisiam zoin kiging zing hitiu*’ i tiu hile, nikhatni tak leh a ding bep hizaw loin tuni ma ma hi a hi zaw diam? Thokit Jesu zalah chun, gitlona leh sualna ah chun thi i hi tau ah, ama zal ma in thawkitna kikawppitute i hi ta bawk hi. Khraws gitlona sukmalphona

etsakna suangtute leh kiteptena ah mangtute hin, i nisin hinkhua ah hin thawkitna hinkhua, a bukimah zotu i hiu ti hi hindawpi hi tiu. I chennau khawvelin dik a sak zosia hi dik sathei i hita puau’. Pha a sak zosia le a pha thei ta puai, i thisan tak ziak un. A kilawm leh hawi zosia leh hawizo talo a hi hi, a sangah hawi leh kilawm zaw changtate i hi ziakun. Ei sunawkpak thei a tam deu deu a, zia haw chu i nutsia ni tak leh i kipakna a sang deu deu ah. Khawvel lopina leh thupina chu etla kham ah ngailovin, thil lui a hi zaw ta hi. Zia chu thokit chate lungput dan chu a hi zaw’i. “*Keima hi thawkitna leh hinna chu ka hi, ei gingcha taphawt chu thi maleule hing zing in au,*” Lal Jesu’n ala ti zia kin. Khawvel mithi gual ah ei kawiin ngawl eisata maleule, Khrista ah chun a ki hing zing hi ti thei leu hin Pathian chu kipak ma ma in a e ! Lalpa’n a thu malzawl ta hen. AMEN.

Pathian Lekha ama chanchin kizikna tapo chu a hilchian piak a hi kha (Lk. 13:27). Sunday School hihenla, Sermon i ngaithak u leh i simteu hitalehle, zia haw hi thawkitna hinkhua i hiatchian theina ding ua ei hilchiantu hithei le ut a um hi.

Sual thisan, sual leh buakna zosia lakin i thi tau a. I thi san chungah zawna i chan theina dingun thawkit a ngai hi. Thi pi ahem, thi san ahem bep hiloin, galzotu i hinau suklat leh phuandawna dingin thokit hinkhua hi i hindawpi ding uh chu hilo a h'em?

Sepkhawmna thu a h'em, Sungkuan leh lawite tawh kikal thu a h'em inle, thokit hinkhua hi a suklat sek a ngai hi. Sepkhawmna ah chun i dawilo gual um kha thei ma a hi. I lunguh chu na henla, na thei a hi ziakin na di mawng a hi. Ahinla, zia lungnatna chun, sepkhawmna subuai kihen, zia chu thawkitna hinkhua chu a hi. Lungna sa sa lungdamtak gualah um a, sepkhawmpite

tawh sêmkhâwmtheilo ah um tite hi, lungnatna thisanna hitaleh le lungnatna chungah zawna changzolo a hithei mai diam?

Sungkuan leh lawi leh paite lakin le, eima dawi gual gual ah thil hi tung leh sepin a um zing ziang ngai pua'i. Zia hun tak chuleh bang gual ah thawkitna neitu leh changtu Khristian ka hina ka latsak sek diam? Ga pha sua dingah thunuai gawl leh kingaitawm a phai. Thunuaigawl na leh kingaitawmna min ah mi i ngaidam em, a thu uh i pawm em, i zui uh em hi kipak a um hi. Gitlona leh thi san tina le hintin. I la thi san tak uh hiat zing hi, thokit talo hinkhua a hi diam? Thawkitna hinkhua chu thilsiam thak ah lutna hi tak ziakin, ala thi san hinkhua ah vak chia kit ding him him a gel kha ngai pua'n, nungthil leh hiatzing tak in le a ngai him him puau. Thawkitna ah chun, i la thi san zosia chungah galzawna bukim a um tak ziakin.

JESU THINA LEH THAWKITNA LOPI

Rev. T. Zuanlal
Bethany

“Ama(Jesu) chu i gitlonau ziakin tha in a um ah, thiam i channa dingun kaithaw in a um kit ta'i” (Rom 4:25).

Zia i Bible changtel nau hin Jesu Khrist thina ziaka kichian taka a gen chu ahileh ei haw gitlona zia ah atia. Chun, Jesu chu Khraws in migilote sika khetden in (tha in) a um a, migilo ama gitlo ziaka thi dinglai chu, Lalpa Jesu chu ama thasang in athi ta a hi. Migilo chun a gitlona a muchian nawp chun Jesu Khraws ngun taka et mai ding a hi. Migilo in thamuanna diktak a nei ngai puai, ama sik ah Jesu thi ahi a muchian a, a gitlo ngaidamna a muchian phat leh thamuanna a nei bep sek a hi. Anuai a hin migilo thamuanna hawlin a mu dan vak gen hitiu.

Captain William lawng azinna chun thi ding ahi ta. Officer pakhat hi ako a, “Tuhin thi ding ka hi ta, lei pauchap piak thei diam?” ati leh, ama chun ka pauchap ngai pua'i atia. Ama chun ahileh,” Bible la nei em?” ati kit a. Amapa chun, “Bible kanei puan sim le ka sim ngai puai” atia. Officer dang a ko kit a, amapa chun, “Ka khangdawng lai a kipatin ka pauchap ngai pua'i,” a tia. Officer dang a ko kit leh ama chule pauchap ngailo leh Bible sim ngailo khat ala hi.

Lawng sunga chun Bible a hawl ua ahileh an huante

tanglak khat Sony a tiu chun ala nei a. Bible tawh akianga chia dingin a hil ua. Captain chun, “Sony, Bible la nei em?” atia. Amapa chun, “Nei e,” a tia. “Migilo a ding hepina, zangaina umna lai tak ei hun sim piak tia,” a tia. Sony chun Isaiah Bung 53:5 na a hun sim a, “Ama chu ei haw bawlkhialna ziaka hiliam ah um leh i dukdaklona zia uh vawk thidup ah um ahi ngala, a ma gawtna thawk zia kah ei haw sukdam ah um ihi ngal un,” Captain chun chawl in la hun simnawn kit in a tia. Captain chun “zia chu aphaï”

a tia. Naupang chun, “Ka nu’n zia chang hi a sim phatleh ka min a lam khawm sek a. Zia gual chun la min lam khawm hi ti aw,” a tia. Sony chun zâtak mai in a Bible phet in zia gual ahin a sim hi:

“Ama Chu William Pat gitlona zia in hiliam in a um in, William Pat dukdaklona zia kin vawk thidup in ah um ahi ngala, ama gawtna thawk zia kin William Pat chu sukdam in a um ta a hi” ti’n a hun sim a. “Zia gual a chun hun simnawn kit tia” a tia. Ama’n le a sim nawn kit a.

Captain chun, “John Count minlam in hun sim tia leh”, a tia. Sony chun John Count min lam in ahun sim a.

Sony a chia sak nunga chun Captain chu a lim mama ta mai hi. Bible chang Sony in a sim piak chu a gen nawn a gen nawn ta mai hi.

A thi ma chun lawngah chuang zosia hiatin a gitlona zosia chu Jesu thawkna zia kin in sukdam in a um ta a hi. Jesu Khraws thina lopi chu migilo gitlona ngaidam, athisan a silthianna a chang ta a hi.

Paul in Khrista thina chu gitlo zia kin ahi dan agen zak thulawm, *“I gitlonau zia kin tha in a uma, I thisik ua Jesu thina chu-SIMHAINIPHA”* (Good Friday) chu a hi- Halleluijah.

Paul chu Good-Friday a chawlloin mi gilote i thasang ua Jesu a thina khel pek in thumal pawimaw ma ma leh thupi talua khat chu Jesu Thawkitna zia kin samdaw in a um ta, zia chu, “THIAMCHANSAK” ti a hi. “Thiamchansak (Justification)” hi Court (thukhenna) pau kam a hia. Migilo Jesu a Lal leh Hukdampa dinga pawma a gitlo ngaidamna umte chu- Pathian bangkim Vaihawmtu chungnungpen chu- zia mi piangthak chu gitlona a pian apat bawl kha keilo gual in, Jesu thawkitna zia ka chu ‘Thiamchansak’ i hi tau a hi. Halleluijah!!

Tuni ahin i khel ua Jesu thina leh Jesu thina pat a thawkitna zia kin ama gingtute a ding a chun Pathian anga thiamchang Lalchutpha ma ang ding di i hui a hi. Nang in Jesu chu la nei ta em? Lalpa’n a sim zosia a ding in malzawl ta hen!

THOKIT HINKHUA

*Rev. Joseph Lalnunmawia
i/c D. Phailian Pastor Bial*

“Jesu’n a kiangin, “Keima hi thawkitna leh hinna chu ka hi, ei gingcha taphawt chu thi maleule hing zing in au” (John 11:25)

Thingtangmi Khristian hinkhua hi i et a hi chun, thil mudawh thei khat um chu- Jesu’n ei thawkpiakna, i thi sik ah a thina, i batteu ei dit piakna, hukdaw ngaite hukdamna, tatna pawimawte tatdawna hi thupi i sau ah i kipakna pen le a hi. A dik ngei hi. Zia lam thu hi i tuipi ma ma zia kin in, i lateu ahin le thawkna lam la leh hukdamna lam lâte a tam ma ma ziang hi. Lâ lak lak ah le sak nawp i sak deu te’u le zia lam lâ hi hideu leh a kilawm hi. I kapi leh i mitthi sen tamna pen leh mitthi hul tate neikit saktu pen leh Jesu’n ei thawkpiakna lam thu, a thak takah i hiatdaw leh zia chung thuah chun kipakna thak i neisek te hi a hi tangpi deu hi. Khuti a hizing laiin, nisin hinkhua ah hin, Khrista thina i kikawppi zia kin ah i thi

san tak ding uh hileh kilawm zaw maleh i hing zing nalai u hileh a kilawm kit zêl hi. Thina zia kin ah thawkitna lampi bawlpiak ah i um nau leh zia thawkitna hinkhua chu, zotu i hi nau zawk a hi lam hephalo le i bang sek khawp mai u’i. Good Friday ha mat ah mang ah, Easter Sunday mang nuam talo hileh i kilawm uh a hi. Zawna bukim chu thawkitna ahin a um ngal a.

Emmau Lampi’ Kilakna thiltung kha i sim ualeh, thokit Jesu hin mi lungthim a en sek hi ti i muthei uh a hi. Lungdawng beidawngte’n kinepna leh kipakna a thak tak ah a hung nei kit theina chu thawkitna hi a hi ti a ki mu thei hi. Thawkitna thuguk a hilchianna ah khan Mosi leh Jawlnei lekhabu’n a pan a;